

## **MEMORANDUM O RAZUMJEVANJU**

**između  
BOSNE I HERCEGOVINE  
i  
REPUBLIKE TURSKÉ**

### **o upravljanju u vanrednim situacijama**

Vijeće ministara Bosne i Hercegovine, Sektor za zaštitu i spašavanje Ministarstva sigurnosti BiH i Vlada Republike Turske, Vijeće ministara – Tijelo za upravljanje u vanrednim situacijama i slučaju nesreća, u daljem tekstu: „strane“,

**Prepoznajući** da saradnja u oblasti upravljanja u vanrednim situacijama treba osigurati uvjete za blagostanje i sigurnost građana Bosne i Hercegovine i Republike Turske;

**Svjesni** da je takva saradnja korisna za obje zemlje u smislu razvoja i jačanja sistema upravljanja u vanrednim situacijama;

**Ističući** značaj međunarodne saradnje i ulogu međunarodnih organizacija u oblasti upravljanja u vanrednim situacijama;

**U skladu sa** zakonima i propisima u predmetnim zemljama;

Strane su se složile kako slijedi:

#### **Član 1. Svrha Memoranduma**

Svrha Memoranduma o razumjevanju je uspostavljanje efikasnog okvira za saradnju u oblasti upravljanja u vanrednim situacijama.

#### **Član 2. Opseg saradnje**

Opseg saradnje iz ovog Memoranduma o razumjevanju je sljedeći:

1. Razmjena znanja, iskustava, tehnologija i informacija, stručnjaka i eksperata u oblasti prevencije, ublažavanja, spremnosti, reagiranja, rehabilitacije i rekonstrukcije;
2. Provođenje zajedničkih konferencija, seminara, obuka i istraživanja;

3. Unapređenje kvaliteta ljudskih resursa kroz prakse, obuke i simulacijske vježbe u oblasti upravljanja u vanrednim situacijama;
4. Izrada i provođenje zajedničkih vježbi u oblasti reagovanja u slučaju nesreća.

### **Član 3. Principi**

Strane će se rukovoditi sljedećim principima u primjeni ovog Memoranduma o razumjevanju:

1. Prvenstvena odgovornost u oblasti reagovanja u slučaju nesreća koje se dešavaju na teritoriju pogođene strane pripada njoj i vanjska pomoć će se realizirati samo na zahtjev ili uz saglasnost pogođene strane.
2. Strana koja prima pomoć kontroliše usmjeravanje, kontrolu, koordinaciju i praćenje pomoći na svom teritoriju.

### **Član 4. Odgovornosti Strana**

1. Strane su odgovorne za koordinaciju i angažovanje posebnih organizacijskih jedinica u svojim zemljama, kada je to potrebno i odgovarajuće, za završetak zadataka određenih ovim Memorandumom.
2. Svaka strana će, u skladu sa svojim zakonima i propisima, omogućiti ulazak odgovarajućeg osoblja i opreme druge strane na svoj teritorij i njihov izlazak.

### **Član 5. Ograničenje aktivnosti osoblja**

Strane će osigurati da njihovo osoblje koje bude uključeno u aktivnosti temeljem ovog Memoranduma o razumjevanju:

- a) Prati, poštiva i djeluje u skladu sa zakonima, propisima i politikama strana;
- b) Djeluje u skladu sa državnim interesima strana;
- c) Poštiva integritet strana i uzdrži se od bilo kakve podrške separatističkim pokretima;
- d) Uzdrži se od obavljanja bilo kakve aktivnosti u Bosni i Hercegovini i Republici Turskoj osim onih koje su zajednički dogovorile strane;
- e) Uzdrži se od angažovanja u bilo kojoj političkoj i komercijalnoj aktivnosti.

